

ՍԱՀԱԽՖ-ՈՒԼ-ԱԽԲԱՐ

Մյունենքիմ Բաշին իր «Սահախֆ-ուլ-Ախրար»-ի առաջին հատորի երկրորդ գլխի «Իսլամից առաջ եղած պետությունները» բաժնում՝ այլ երկրների շարքում ունի նաև «Արմենիայի մեկիքները» և «Արմեն ազգը»¹, հետո նաև «Գյուրջի ազգը» («Վրաց ազգը») մասերը:

ԱՐՄԵՆ ԱԶԳԸ

Սրանք էլ Եաֆեսի [Հաբեթի] որդիներից են: Վիլայեթը² [երկիրը] Արմենիան է, մայրաքաղաքը՝ Ախլաթ քաղաքը: Հնուց ի վեր քրիստոնյա են եղել, հետո իսլամականները տիրել են նրանց վիլայեթի: Իրենք ռայա³ են եղել: Այնուհետև, նորից հաղթելով, նրանք գրավել են իրենց դերբենդները⁴: Իսլամականներից գրավել են Տարսոնն (Տարսուս) ու Մսիսը (Մսիսեն)⁵ և, արշավելով Սիս քաղաքի վրա, նվաճել են այն: Սիսը մի քաղաք է, որն ունի ամուր բերդ և ներկայումս Արմենիա վիլայեթի [երկրի] մայրաքաղաքն է:

(Հատ. I, էջ 400)

ԳՅՈՒՐՋԻ ԱԶԳԸ⁶

Եաֆեսի [Հաբեթի] որդիներից են: Վիլայեթը [երկիրը] Ախլաթի երկրին սահմանակից է՝ Կոստանդինյան ծոցի⁷ եզերքի ուղղությամբ: Այստեղ կան հսկա լեռներ: Բազմաքանակ ժողովուրդ է, մեծ մասը քրիստոնյա: Վիլայեթը ընդարձակ է և ունի ամուր բերդեր: Մայրաքաղաքն է Թիֆլիս քաղաքը: Սրանք բեյական (ազնվական) ցեղին են պատկանում, ուրիշներից [հասարակներ] չեն. տղամարդ թե կին, բոլորն էլ այդ տոհմից պետք է լինեն: 986 (1579) թվականի ռեջբե [ամսին] Մուստաֆա փաշան⁸ սուլթան Մուրադ խանի հրամանով նվաճել է Վրաստանը:

(Հատ. I, էջ 400)

* * *

Երկրորդ գրքի երրորդ մասում հունական, ֆրանսիական և այլ երկրների ու իշխողների համառոտ նկարագրությունների շարքում Մյունենքիմ Բաշին զետեղել է նաև Արմենիայի մյուլուքներին [մեկիքներին]:

Սրանց [Արմենիայի] պատմությունից տեսնում ենք, որ նրանք ունեցել են շորս տոհմ⁹, դրա համար էլ մենք նրանց կհիշենք շորս «տառով»¹⁰:

ԱՌԱՋԻՆ ՏԱՌ («հարֆ»). առաջին տոհմը Հայկյաններն են: Սրանք 10 հոգի են. մայրաքաղաքը Նախշվանն [Նախիջևան] է: Սրանց սկիզբը [ծագումը] Հայկն է՝ Թերջոմի [Թորգոմի] որդին, Թերասի որդին, Զոմերի որդին, Ծաֆեսի որդին, Նոհի [Նոյի] որդին: [Հայկը] Բաբելի արքաների (Նեմրուդ)¹¹ գլխավոր Գեվալթին ծառայելուց ձանձրանալով, հավաքեց իր հպատակներին, գնաց դեպի հյուսիսային կողմը և Արարատ անունով լեռան վրա բնակություն հաստատեց: Այնտեղ երևացին շենքեր և կոշվեց Նախշվան (Նախիջևան), որ նշանակում է սկզբնական բնակավայր: Հետո այդ [անունը] արաբականանալով, կոշվեց Նախիջևան: Նեմրուդներից մեկը նրանց վրա զորք ուղարկեց, բայց ոչինչ չկարողացավ անել: Մինչև անգամ ասում են, որ Նեմրուդը նրանց վրա գնաց անձամբ: Հայկը մի նետով նրան խփեց և սպանեց: Այդ օրվանից [Հայկը] անկախություն ձեռք բերեց, երկարատև կյանք ունեցավ և հպատակները բազմացան: Մահվանից հետո նրան հաջորդեց անդրանիկ որդին՝ Արմենակը: Արմեն (բառը) նրանից [Արմենակից] է առաջացել: [Սա] իր եղբայրներին՝ և՛ Խոռին և՛ Մենավասին [Մանավազին] մաս տվեց իր երկրից, ունեցվածքից և հպատակներից: Խոռին բաժին ընկավ Խոռխոռյան ցեղը, իսկ Մենավասին [Մանավազին] Մանավազյան ցեղը: Կրտսեր որդուն Ծասին [Բադին] նույնպես որոշ տարածությամբ երկիր տվեց. Ծասունական [Բզնունյան] ցեղը նրանից է առաջանում: Այս ցեղերը հաստատվելով Վանի լճի շուրջը, շենացրին այդ երկիրը և կառուցեցին Վանի բերդը: Արմենակի մահից հետո նրան հաջորդեց իր մեծ որդին՝ Արամայիսը, որը Արմենիա երկրում իր հպատակների ու ցեղերի համար շատ քաղաքներ կառուցեց: Իր որդուն Շարազն [Շարան] ուղարկեց, նրա անունով մի քաղաք կառուցեց, այնտեղ բնակություն հաստատեց և այնտեղ էլ մահացավ: Նրան հաջորդեց Ամասիան, որը նույնպես մի շարք շինություններ կառուցեց և հետո մեռավ: Նրան հաջորդեց իր որդին՝ Գեղամը, հետո՝ նրա որդին Գեղամը, հետո նրա որդին Հարմանը, հետո նրա որդին Արամը: Սրա պետությունը հաղթեց հունական և սուրեանի (ասորական) թագավորներին և նրանցից շատ վիլայեթներ դրավեց: Սրա ժամա-

նակ ուղարկվեց Իբրահիմը (Աբրահամը)։ Սա հիմնեց Կեսարիա քաղաքը և իր իշխաններից Մշակ անունով մեկին այնտեղ կառավարիչ նշանակեց, նրա մոտ զինվորներ թողեց, որպեսզի մնացած հունական քաղաքներն էլ գրավեն։ Նրա մահվանից հետո նրան հաջորդեց իր որդին՝ Արան, որը խիստ վայելուչ և գեղեցիկ լինելով, նրա վրա սիրահարվեց Ասորեստանի թագավոր Նինոսի կին Շամրամը (Շամիրամը)։ [Շամիրամը], թագավորությանը նրան փոխանցելու պայմանով ուզեց տիրանալ Արային, բայց որովհետև հավանություն չստացավ, նրա վրա բանակ ուղարկեց։ Պատերազմի ժամանակ Արան սպանվեց և նրա որդին՝ Կարդոսը, գերի ընկավ։ Բայց հետո Շամիրամը նրան գերությունից ազատեց, Արայան անունը տվեց և հոր տեղը թագավոր նշանակեց, սակայն նրան իր մոտ պահեց և նրա վիճակը գրավելու համար իր կողմից փոխանորդ նշանակեց և ուղարկեց։ Հետո Շամիրամի որդի Նինոսը կռվում հաղթեց Շամիրամին ու նրան սպանելով, նրա տեղը գրավեց և քանի որ Արայանն էլ իր մոր նման ամբաստանվում էր, ուզեց նրան էլ սպանել, բայց Արայանը փախավ իր երկիրը և ազատվեց։ Այնուհետև, նրա տեղն անցավ նրա որդի Անուշավանը։ Նինոսը մի քանի անգամ հարձակվեց նրա վրա, սակայն ոչ մի կերպ չկարողացավ հաղթանակ տանել։ Նրա [Անուշավանի] մահվանից հետո Հայկի սերունդը վերջացավ։

Հավելված. Ինչպես որ հավելվածում կհիշենք, Արմենի ազգն իր բեյերին [իշխաններին] նշանակեց իբրև առանձին-առանձին իշխողներ։

Լրացում. Հայկյանների ճյուղի հիշատակության մասին։ Սրանք սկիզբ են առնում Կագերից։ Երբ հայկյանները վերջացան, Արմենի ցեղը նրան հպատակվեց՝ իբրև ամենամեծ իշխանի։ Հետո նրան հաջորդեցին էբբակը [Արբակը], հետո Դավանը [Ջավանը], հետո Փառնասը, հետո Սուրը, որի ժամանակ Նունի* որդի Հակոբը¹² Իսրայելի որդիներին Քանաանի երկիրը բերեց, իսկ քանաանցիները փախան շրջակա քաղաքները։ Նրանցից Քանդոսը Արմենի երկիրը գալով նշանավոր մարդ դարձավ. Քանդոսական ցեղը նրան է պատկանում։ Հետո [նրան հաջորդեցին] Խեվանակը [Հավանակը], էշվակը [Վասակը], հետո Հայկակը, հետո էմյալը [Ամպակը], հետո Առնակը [Արտակը], հետո Շավարը, հետո Նորայրը, հետո Կարը [Վարասկարը], հետո Գր(արակը) [Գրրակը], հետո էբխակը [Ընձակը], հետո Գլակը, հետո Հորոյր [Հորան], հետո Զարմայրը, որը

* Բնագրում՝ Յաշա բին-Նուն։

ժամանակակից է Դավիթ Մարգարեին. սպանվել է հին Ստամբուլի կովում. հետո Արբունը, հետո Խոյը [Հոյը], հետո Օսուկը [Հուսակը], հետո Կիրակը [Կայակը], հետո Սեկան [Սկայորդին], հետո Բուրավիրը [Պարույրը], հետո Հրաչեն [Հրաչյան], որի ժամանակ Բախտ-Նասարը [Նաբուգոդոնոսորը] Երուսաղեմն ավերեց ու Իսրայելի որդիներին գերի տարավ: Հրաչեն Իսրայելի ազնվականներից մեկին՝ Շեմյաթ [Շամբաթ] անունով մարդուն, Նաբուգոդոնոսորի մոտ միջնորդելով, իր երկիրը բերել տվեց: Շեմյաթը մնաց Արմենի երկրում: Նրա որդիներն օրեցօր մեծ հուշակ ստացան և հետո թագավոր դարձան, որի մասին կխոսենք ստորև: Հրաչեի մահից հետո նրան հաջորդեցին Փարդեսը [Փառանավազը], հետո Բաջուհը [Պաճույճը], հետո Կերտնուկը [Կոռնակը], հետո Փարսը [Փավոսը], հետո Դիասը, հետո Հայկակը, հետո Երվանդը, հետո նրա որդի Տիգրանը: Սա [Տիգրանը] հարձակվելով հույների վրա, սպանեց նրանց թագավորին: Նա քաջ և բարի վարքի տեր անձնավորություն լինելով մեծ հուշակ ստացավ: Նրա իշխանությունը երկար տևեց և նրա երկիրը ընդարձակվեց: Նրանից հետո իր չորս որդիները մեկ-մեկ թագավոր եղան: Առաջինն էր Պապը, հետո Տիրանը, հետո Վահագը, հետո Առվանը [Առավանը], ապա սրա որդի Ներսուհը, հետո սրա որդի Զարեհը, հետո սրա որդի Փաղամը, հետո սրա որդի Վանը, հետո երկրորդ որդի Վահեն: Վահեն պատերազմելով Ալեքսանդրի¹³ դեմ, կովում սպանվեց և նրանով էլ կործանվեց թագավորական ցեղը ու պետությունն անցավ Արամենների իշխաններին, որոնք իշխեցին մոտ յոթանասուն տարի, մինչև որ Արշակ Մեծը հաղթություն տարավ: Դրա մասին կխոսենք հետո:

Հավելված: Նրանց ճյուղի մասին է: Ասքենդերը [Ալեքսանդրը] տիրելով Արմենի երկրին, մահվանից առաջ իր կողմից վալի (կուսակալ) նշանակվեց: Արամենեն հավաքվելով, իրենց իշխաններից Սելեֆկոս անունով մեկին՝ Ալեքսանդրի թագավորության իններորդ տարում, իրենց վրա թագավոր նշանակեցին: Սա 31 տարի հետո մեռավ և նրան հաջորդեց Տիտոսը, որը իշխեց 11 տարի: Նրանով էլ վերջացավ այս տոհմը:

ԵՐԿՐՈՐԴ ՏԱԽ. Արմենի իշխաններից Երկրորդ տոհմի («բաբակա»)՝ Արշակունիների մասին: Տրվում է մեկ «վերնագրով» մեկ «նպատակով» և մեկ հավելվածով:

ՎԵՐՆԱԳԻՐ, Արշակ Մեծի գործունեության մասին է: Արշակը... սուրբ Աբրահամի սպասուհի Քեդուրայի որդիներից է, Բելիսի¹⁴ և Խորասանի իշխաններից է և չորս տարի իշխանություն է վարել:

Սա մեծ բանակով եկավ Արմենիայի վրա, Տիտոսից գրավեց այն և նրան էլ գերի բռնելով՝ տարավ Բելիս: Հետո հանդես եկավ Տիտոսի եղբայր Անդիոքսը: Երբ Արշակը իմացավ, որ իր երկիրը գրավել են, նորից եկավ և բոլոր դիմադրողներին ոչնչացրեց: Այնուհետև, գրավելով Իրանի և Ասորեստանի երկրները, բոլորի վրա իշխան նշանակեց իր եղբայր Աղարշակին [Վաղարշակին]: Սա Արշակունյան տոհմի սկիզբն է: Հետո Արշակը գալով իր մայրաքաղաք Բելիս քաղաքը, 31 տարի իշխանություն վարելով՝ մեռավ և նրան հաջորդեց իր որդի Արտաշեսը: Սա իշխեց 21 տարի:

ՆՊԱՏԱԿ. Արշակունյանների մասին է:

Սրանք 26 մարդ են, իրենց երկիրը Արմենիան է, սկիզբը Ալեքսանդրի թվականության 70-րդ տարին է: Կործանումը 605 թվականին: Իշխանության ժամանակաշրջանը 535 տարի է: Սկիզբ են առնում Արշակ Մեծի եղբայր Աղարշակից [Վաղարշակից], որը բարի վարքի տեր անձնավորություն էր. նա իր զինվորների և ռայանների համար լավ օրենքներ մշակեց, ամեն մի ցեղի համար պարտականություններ որոշեց և խորայնից Շեմյադի [Շամբադի] որդիներին մեծ «խասեր»¹⁵ տվեց: Նա մեծ քաղաքներ կառուցեց և մի շարք երկրներ բարեշեն դարձրեց: 22 տարի իշխելուց հետո, մեռավ Նիսիբին քաղաքում՝ Ալեքսանդրի թվականության 22-րդ տարին, և նրան հաջորդեց իր որդի Արտաշեսը, որը գրավեց Խորասանը և Միջագետքը, հետո գնաց դեպի Ռումեթի¹⁶ քաղաքները՝ գրավեց, սպանեց լիբիայի թագավորին և հետո հաղթություն տարավ նաև Եգիպտոսի թագավորի դեմ: Հետո վերցրեց նաև Սպիտակ ծովի¹⁷ կղզիները և այսպիսով մեծապես ուժեղացրեց ու ընդարձակեց իր պետությունը, այնպես որ Արևելքի և Արևմուտքի թագավորները հպատակվեցին ու ենթարկվեցին նրան: Կառուցեց մեծ քաղաքներ: Մեռավ 25 տարի իշխելուց հետո և նրան հաջորդեց իր որդի Տիգրանը [Տիգրան Բ.], որը իշխանության գլուխ անցավ 130 թվականին: Նա գնաց Երուսաղեմ և գերեց քաղաքի բնակիչներին, ավերեց նաև Նաբելսը և նրա բնակիչներին էլ գերի վերցրեց: Մեռավ 33 տարի իշխելուց հետո: Նրան հաջորդեց իր որդի Արտավասդը [Արտավազդը]: Սա շուայլ և զբոսասեր լինելով, չկարողացավ երկրներ գրավել: Երկու տարի հետո, երկրի ավագանիները նրա վրա հարձակվեցին և սպանեցին: Նրան հաջորդեց իր հորեղբայր Արշամը, որը 22 տարի իշխելուց հետո մեռավ և, 185 թվականին, նրան հաջորդեց իր որդի Արգարը: Սրա իշխանության երկրորդ տարում, ասում են, որ տեղի է ունեցել Քրիստոսի ծնունդը, բայց դա ճիշտ չէ: Սա էլ 38 տարի իշխելուց հետո մեռավ և նրան

հաջորդեց իր եղբոր որդի Սանատրուկը, որի իշխանությունը տևեց 30 տարի: Հետո նրան հաջորդեց Երվանդը՝ 253 թվականին, որը մոտ 20 տարի իշխելուց հետո մեռավ, ու նրան հաջորդեց Սանատրուկի որդի Արտաշիսը [Արտաշեսը]: Սրա իշխանությունը տևել է մոտ 41 տարի: [Նա] մեծ հռչակ ձեռք բերեց, տիրեց հունական քաղաքների մեծ մասին, Պարսկաստանի և այլ սահմանակից երկրների բազմաթիվ վայրերին, որով ավելացավ նրա փառքն ու հզորությունը:

314 թվականին մեռավ, և նրան հաջորդեց իր որդի Արտավազդը [Արտավազդը]: Սա աքսորեց իր եղբայրներին, երկու տարի հետո, որսի ժամանակ, նրա ձին սայթաքեց, ընկավ և ինքն էլ մահացավ: Նրան հաջորդեց իր եղբայր Արտաշեսի որդի Տիրանը: Սա հաշտություն կնքեց հունական թագավորի հետ: Ընդհանրապես զբաղվում էր որսորդությամբ և սիրում էր զվարճություններ: 21 տարի իշխելուց հետո մեռավ և նրան հաջորդեց իր եղբայրը՝ Արտաշեսի որդի Տիգրանը: [Տիգրանը] իշխանության գլուխ անցավ 337 թվականին: Նա կողոպտեց Շամը [Դամասկոսը] և Երուսաղեմը, հետո՝ հույների դեմ մղած կռիվում, գերի ընկավ: (Լուկիոս Վեդուս) Բունկիանո կայսրը նրան ազատեց, իր ազգականներից Ռագիե [Ռոփի] անունով կնոջ հետ ամուսնացրեց և նորից իր երկիրն ուղարկեց: Ռագիյեն [Ռոփին] երկու որդի ունեցավ, բայց հետո Տիգրանը՝ մի պատճառաբանությամբ կնոջն ապահարզան տվեց և որդիների հետ միասին աքսորեց իր երկիրը: [Տիգրանի] իշխանությունը տևել է 42 տարի: 379 թվականին մեռավ և նրան հաջորդեց իր որդի Վաղարշը: Սա կռուցեց երեք մեծ քաղաք, քանիցս իր բանակով արշավեց Խորասանի և Պարսկաստանի վրա: Ի վերջո, կռիվներից մեկում սպանվեց: Սրա իշխանությունը տևել է մոտ 20 տարի: 399 թվականին նրան հաջորդեց իր որդի Խոսրեվը [Խոսրովը]: Սա մեծ թվով զինվորներ հավաքելով արշավեց Խորասանի և Միջագետքի վրա, պարտության մատնեց նրանց արքաներին, շատերին սպանեց և լուծեց իր հոր վրեժը: Պարսկաստանի արքա Արտաշիսը [Արտաշիսը] նրա ձեռքից փախավ Հնդկաստան: Հետո, Բելխի վեզիրներից Անակ անունով մեկը եկավ և Խոսրովի մոտ ապաստանեց. շատ մոտեցավ և բարեկամացավ նրա հետ: Մի օր, որսի ժամանակ, հարմար առիթ գտնելով, նրան սպանեց ու փախավ: Իշխանությունը տևել է 48 տարի: 447 թվականին նրան հաջորդեց իր որդի Տիրդատը [Տրդատը]: Սա քաջ և դյուցազն անձնավորություն լինելով, շատ երկրներ նվաճեց: Արմենի թագավորներից սա է առաջին Քրիստոսին հավատացողը: Նա կործանեց իր երկրում

եղած կռատներն ու մեհյանները և նրանց փոխարեն կառուցեց եկեղեցիներ ու վանքեր: [Քրիստոսի] առաքյալների աշակերտներից Գրիգոր անունով մեկին իր երկրում նշանակեց իբրև պապ [կաթողիկոս]: Իսկ երբ լսեց, որ Հռոմի կայսր Կոնստանդինը նույնպես ընդունել է քրիստոնեություն, սկզբում նամակագրություն ունեցավ նրա հետ, ապա անձամբ գնաց նրա հետ տեսնվելու, իր հետ տանելով Գրիգոր պապին [կաթողիկոսին] և 70 հազար մարդ: Կայսրի հետ տեսակցությունը տեղի ունեցավ Հռոմում: Նրանք կրեցին փոխադարձ բարեկամության պայմանագիր: Հետո վերադարձավ իր երկիրը: Նա մեծ հաջողություններ ունեցավ շենքեր կառուցելու, քաղաքներ նվաճելու և հաղթանակներ տանելու գործում: 54 տարի իշխելուց հետո, 503 թվականին թունավորվեց իր վեզիրների [նախարարների] կողմից: Նրան հաջորդեց իր որդի Խուսրեվը [Խոսրովը]: չբաղված լինելով զվարճություններով, պետական գործերը վարում էին նրա վեզիրները: 9 տարի իշխելուց հետո մեռավ ու նրան հաջորդեց իր որդի Տիգրանը: Սրա գործերից է Թոփրակ Կալե¹⁸ բերդը: Մեռավ 527 թվականին և նրան հաջորդեց իր որդի Արշակը: Սա պատերազմելով Պարսկաստանի դեմ՝ հաղթանակ տարավ, բայց հետո Պարսկաստանի թագավորը մեծաքանակ զորքով եկավ և Արշակին գերի վերցրեց: Մեռավ գերության մեջ և 557 թվականին նրան հաջորդեց իր որդի Պապը: Սա լինելով զբոսասեր և վատ բարքի տեր անձնավորություն, դավաճանեց քրիստոնեությանը: Յոթ տարի իշխելուց հետո, կայսրը նրան տարավ և 564 թվականին սպանեց: Նրան հաջորդեց Վարազդատը, որը քաջ, դյուցազն անձնավորություն էր: Նա մարդ ուղարկեց Պարսկաստանի թագավորի մոտ և խնդրեց նրա աղջկա ձեռքը: Նա կայսրից երես դարձնելով, նրան [Պարսից թագավորին] հպատակություն ցույց տվեց: Արմենի ավագանիներն այս մասին հայտնեցին կայսր Սեողիոսին [Թեոդոսին], որը նրան Ստամբուլ տանելով, շղթայակապ աքսորեց մի կղզի: Այնտեղ նա մեռավ: Իշխանությունը տեւել է 4 տարի: Նրան հաջորդեցին Պապի որդիներ Արշակն ու Վաղարշակը, որոնք թագավոր եղան միասին: [Նրանք] Պարսկաստանի թագավորի դեմ մղած կռվում պարտություն կրեցին: Յոթ տարի հետո, 575 թվականին, իշխանության գլուխն անցավ Խոսրովը: Սա բազմաթիվ պատերազմներ մղեց պարսից թագավորի դեմ: 580 թվականին գերի ընկավ: Նրան հաջորդեց իր եղբայր Տիրամ-Շափուխը [Վոամշապուհը], որը նշանակվեց Պարսկաստանի թագավորի կողմից, սակայն կայսրին էլ բարեկամություն ցույց տվեց: Մեռավ 601 թվականին՝ 21 տարի իշխելուց հետո, և պապի

[կաթողիկոսի] ջանքերով նրա տեղն անցավ նրա եղբայր Խոսրովը, որը սակայն մի տարի հետո զահրենկեց և դավ ու նրա փոխարեն թագավոր նշանակվեց իր եղբորորդի Արդեհիսը [Արտաշեսը]: Սա զվարճասեր և կնամուլ անձնավորություն լինելով, Պարսկաստանի թագավորը հարմար առիթ գտավ, գրավեց նրա երկրի մեծ մասը, բռնեց նրան և բանտարկեց: Բանտում նա մահացավ և նրանով էլ վերջացավ Արշակունյան տոհմը: Արմենի ավագանիները հավաքվելով առանձին-առանձին թագավորներ ընտրեցին իրենց իշխաններից:

Հավելված. Արշակունիների ճյուղի մասին: Սրանք 12 անձնավորություն են. մայրաքաղաքը [երկիրը] Արմենիան է. սկիզբը 605 թվականն է, կործանումը՝ 932 թվականը և տևողությունը 325 տարի: Սկիզբ են առնում Իսհակ պապի թոռ Վարդանից: Երբ Արտաշեսը գերի ընկավ, Արշակունիների գերդաստանում թագավոր դառնալու արժանի ոչ ոք չգտնվեց: Արմենի ժողովուրդը վերահիշյալ Վարդանին թագավոր ընտրեց: Վարդանը թագավոր դառնալով բազմիցս պատերազմ մղեց Պարսկաստանի դեմ: Բայց հետո որոշ հարստություն տալով հաշտություն կնքեց: Սակայն Պարսկաստանի թագավորը դրանով չգոհացավ: Նա ուզում էր նրանց [արմեններին] բռնությամբ կռապաշտ դարձնել և նորից հաշտությունը խախտելով, պատերազմ սկսեց: Կովի դաշտում Վարդանը սպանվեց Արմենի ավագանիներից շատերի հետ: Պարսկական թագավորի կողմից Արմենի իշխաններից թագավոր նշանակվեց Վարդը. նրանից հետո՝ Մանգոսը, հետո Արշամը, հետո Վահանը, հետո երկրորդ Վարդը, հետո Դավիթը, հետո Թոտերվորսը [Թեոդորոսը]: Այս վերջինի ժամանակ պարսկական պետությունը կործանվեց և երբ իսլամականները պատերազմում էին Արմենի մրկրում, Թեոդորոսը նրանց հպատակվեց և սրբազան Ռաշիդյան խալիֆաների կողմից նրան կայսերական ֆերման շնորհվեց: Նրան հաջորդեց Համազասպը, հետո Գրիգորը, հետո Մեծեթը [Մեծեթ], հետո Ներսեն, որով և վերջացավ պետական իշխանությունը:

ԵՐՐՈՐԴ ՏԱՌԸ. Արմենի մելիքներից երրորդ տոհմի («Թաբակա»)՝ Բագրատունյան տոհմի մասին: Սրանք Շմփոտ [Սմբատ] Իսրայելի որդիներից 13 իշխաններ են: Նրանց մայրաքաղաքը [երկիրը] դարձյալ Արմենիան է. ծագումը՝ Ալեքսանդրյան թվականի մոտավորապես 930 տարին է: Կործանումը տեղի է ունեցել 1225 թվականին, տևողությունը 195 տարի է եղել: Սկիզբ են առնում Արմենի մելիքներից՝ Աշոտից, որը մեծ պատիվ և համբավ էր վաստակել: Բագրատունիները նրա ցեղից են: Այս տոհմը վերո-

հիշյալ Բագրատունիներին է պատկանում: Աշոտի իշխանությունը տևել է 17 տարի: Նրա մահվանից հետո, 947 թվականին, նրան հաջորդեց իր որդի Շմփատը [Սմբատը]: Սա մոտ 20 տարի շարունակեց իր հոր ուղին, 967 թվականին մեռավ և նրան հաջորդեց իր որդի Աշոտը: Սա հարկ վճարելու խնդրում համառություն ցույց տվեց և այդ պատճառով էբուջաֆեր էլ-Մենսուր էլ-Աբասին նրա վրա բանակ ուղարկեց և նրան բռնելով, կապեց և Բաղդադ տարավ: Հետո բանտում մեռավ: Իշխանությունը տևել է 20 տարի: Երբ վերոհիշյալը 987 թվականին գերի ընկավ, նրա որդի Շմփատը [Սմբատը] իշխանության գլուխ անցավ: Նրա հայրանունը էբու ուլ-Աբասի է: Սրա իշխանության 35-րդ տարում, խալիֆան իր սերասքեր Բեղային մեծ բանակով սրա վրա ուղարկեց: Մեծ պատերազմից հետո իսլամական բանակը հաղթեց, Շմփատին [Սմբատին] բռնեցին և կապելով խալիֆայի մոտ տարան, որը նրան սպանել տվեց և նրա փոխարեն 1022 թվականին նշանակեց նոր որդի Աշոտին: Սա թե՛ խալիֆայի և թե՛ կայսրի նկատմամբ բարյացակամ գտնվեց, մինչև անգամ կայսրը նրան մի արքայական թագ ուղարկեց: 37 տարի իշխելուց հետո, 1059 թվականին մեռավ և նրան հաջորդեց իր որդի Շմփատը [Սմբատը], որը, հետևելով իր հոր ճանապարհին, շատ մեծ հռչակ ձեռք բերեց: Գյուրջի [վրացական] քաղաքների մեծ մասը նույնպես նրա իշխանությանը ենթարկվեց: Ռոմանոս կայսրը նրան թագ ուղարկեց: Այդ ժամանակ խալիֆայական պետության մեջ խառնակություն էր առաջ եկել. [Սմբատը] քանիցս հարձակվեց իսլամական և խալիֆայական քաղաքների վրա և ավերեց: Հետո հիշյալի [Սմբատի] բրոջ տղան՝ Վանի իշխանը, օգնություն ստանալով սուլթանից, պատերազմի դուրս եկավ Շմփատի [Սմբատի] դեմ: Արմենի իշխանները վերոհիշյալին [Սմբատին] բռնեցին և հանձնեցին: Իսլամական սուլթանը նրան կախեց Թոփրակ Կալեի աշտարակից: Իշխանությունը տևել է 24 տարի: 1083 թվականին նրան հաջորդեց իր որդի Աշոտը, որին կայսրը թագ նվիրեց: Աշոտը շատ քաջ լինելով Պողպատ [Երկաթ] անունը ստացավ: Մեռավ 8 տարի իշխելուց հետո և, 1091 թվականին նրան հաջորդեց իր եղբայր Սմբատը, որը Կարս քաղաքում մի մեծ եկեղեցի և շորս մեծ...^{*} կառուցեց, քաղաքները մաքրեց խռովարարներից: Մեռավ 1115 թվականին, 24 տարի իշխելուց հետո, և նրան հաջորդեց իր որդի Աշոտը: Սա լավ վերաբերմունք ցույց տվեց թե՛ իսլամականներին և

^{*} Անընթեռնելի:

թե՛ անհավատներին: Կինը երկու մեծ եկեղեցի է կառուցել: Մեռավ 27 տարի իշխելուց հետո և 1142 թվականին նրան հաջորդեց իր որդի Շմփատը [Սմբատը]: Սա ընդարձակեց իր մայրաքաղաքը՝ Անին: 13 տարի հետո մեռավ և 1155 թվականին նրան հաջորդեց իր եղբայր Գագիկը. սա Ծաղկածորում¹⁹ , . . . անվան²⁰ մի եկեղեցի է կառուցել: Մեռավ 29 տարի իշխանություն վարելուց հետո և նրան հաջորդեց իր որդի Շմփատը [Սմբատը], որը իշխեց մոտ 20 տարի և մեռավ 1204 թվականին: Նրան հաջորդեց իր եղբորորդի Գագիկը: Սա իմաստուն և փիլիսոփա մի անձնավորություն լինելով, 21 տարի ապրեց աշխարհիկ գործերից ու պետական իշխանությունից հեռու և անտարբեր: Հետո նրա իշխանների միջև անհամաձայնություն առաջացավ: Սրանցից մի խումբ դիմեց կայսրին, իսկ մյուսները՝ իսլամական փաղիշահին: Ֆելաջերմ Ալբ-Արսլանը մեծաքանակ զորքերով հարձակվեց Արմենիայի վրա և Գագիկի բանակի դեմ մղած մարտերում հաղթեց նրան՝ 25 օրվա պաշարումից հետո: Հիշրեթի 456 (1063) թվականին գրավեց Անի մայրաքաղաքը, կոտորեց բնակչության մեծ մասին և թալանեց նրանց ունեցվածքը: Այդ ժամանակ, Անի քաղաքում, բացի բազմաթիվ բարձր շինություններից, կար 400 հսկա եկեղեցի: Գագիկը 400 զինվորով փախավ և ապաստանեց Ստամբուլում՝ կայսրի մոտ: Որոշ ժամանակ այնտեղ ապրելուց հետո, նրան իբրև խաս²¹ շնորհվեցին Սվազն [Սեբաստիա] ու Կայսերին [Կեսարիան]: Բացի այդ, նա խոստում ստացավ նորից վերագրավելու իր երկիրը: Գագիկը եկավ Սվազն և որոշ ժամանակ այնտեղ մնալուց հետո, մի օր, հուլյն բնակիչներից մի քանի հոգի, որսորդության ժամանակ հարմար առիթ գտնելով, նրան սպանեցին: Նրանով վերջացավ Բագրատունյան պետությունը:

Հավելված. Արմենի իշխանների պառակտումը շարունակվեց: [Սրանցից] ոմանք տուրք էին տալիս իսլամներին, իսկ ոմանք էլ՝ անհավատներին:

ՉՈՐՐՈՐԴ ՏԱՌԸ Արմենի մելիքներից չորրորդ տոհմի՝ Ռուրիկյան տոհմի մասին:

Սրանք 11 անձնավորություն են: Իրենց մայրաքաղաքը Սիս քաղաքն է: Երկիրը հունարեն Կիլիկիա է կոչվում: Սրանց սկիզբը Ալեքսանդրյան թվականության մոտավորապես 1230 տարին է, հիշրեթի թվականության՝ 460 տարին, կործանումը՝ հիշրեթի 722 (1322) թվականին, տևողությունը՝ 262 տարի է: Ռուբենը վերջին երրորդ տոհմից էր, Գագիկի ազգականներից, որը նրա սպանությունից հետո փախել և թաքնվել էր Սվազում: Երբ դուրս եկավ

այնտեղից, Գագիկի հպատակները և Արմենի իշխանները նրա շուրջը հավաքվեցին: Նա [Ռուբենը] երկրի բերդերից գրավեց Գուսենդարը և այդ բերդում ու շրջակայքում իշխանություն վարելուց հետո, 480 թվականին մեռավ և նրան հաջորդեց իր որդի Կոստանդինը, որը բազմաթիվ բերդեր և քաղաքներ գրավելով, ընդարձակեց իր երկիրը: Հինգ տարի հետո մեռավ և նրան հաջորդեց իր որդի Թորոսը: Սա իմաստության և քաջության մարմնացում էր: Նրկրում կառուցեց եկեղեցիներ, նվաճեց Իմալսիեն (?)։ Մեռավ 508 թվականին և նրան հաջորդեց իր եղբայր Լևոնը, որը գրավեց Տարսուսի և Սիսի շրջանները: Կայսրը նրա վրա զայրացած լինելով, էմիր Ահմեդ Դանիշմենդին զինվորներ տալով նրա վրա ուղարկեց: Լևոնի դեմ մղած կռիվում [էմիրը] նրան գերի վերցրեց և ուղարկեց կայսրին: [Լևոնը] բանտում մեռավ. կայսրը նրա որդու՝ Ռուբենի աչքերում միլ քաշել²² տվեց: Նրան հաջորդեց փոքր որդի Թորոսը, որը իր հոր և եղբոր վրեժը լուծելու համար բազմաթիվ հույների սպանեց և շատ քաղաքներ գրավեց: Կայսրը անձար մնալով, դաշինք կնքեց Կոնիայի փաղիշահ Կրլըջ Արսլանի հետ և նրան որոշ քանակությամբ զինվոր տալով, Թորոսի վրա ուղարկեց: Սակայն սա էլ չկարողացավ նրան հաղթել: Կայսրը ստիպված եղավ միջնորդության ուղին բռնել և գեղեցիկ խոստումներով նրան իր կողմը գրավել: Որոշ ժամանակ նրանց հարաբերությունները լավ ընթացք ունեցան, բայց հետո Թորոսը դարձյալ կայսրից երեսդարձրեց և հարձակվեց նրա երկրի վրա: Կայսրը այս անգամ ավելի մեծ նվերներ ուղարկեց Կրլըջ Արսլանին և խնդրեց, աղաչեց, որ նորից հարձակվի Թորոսի վրա: Կրլըջ Արսլանը զորքեր հավաքելով, պաշարեց Սիսի բերդերից Թելնավանը: Իսկ Թորոսը մեկ այլ ճանապարհով գնաց և կողոպտեց Կոնիայի շրջակայքը: Կրլըջ Արսլանը ստիպված եղավ հաշտություն կնքել և իր երկիրը քաշվել: Թորոսը 14 տարի իշխանություն վարելուց հետո մեռավ և նրան հաջորդեց իր որդի Ռուբենը: Մի տարի հետո Կրլըջ Արսլանը՝ Հալեպի փաղիշահի օգնությամբ, հաղթեց և սպանեց Ռուբենին: Նրան հաջորդեց Թորոսի որդի Կրլըջը: Սրա իշխանությունը տևեց 7 տարի: Սա վատ բարքի տեր լինելով, զինվորները հարձակվեցին նրա վրա և սպանեցին: Նրան հաջորդեց իր հորեղբոր որդի՝ Իստեֆոնի որդին՝ Ռուբենը, որը խելացի և բարի վարքի տեր անձնավորություն լինելով, իր երկիրը շենացրեց և ամուսնացավ Ֆրենգի [Ֆրանսիայի] թագավորի աղջկա հետ: 22 տարի հետո աշխարհիկ

գործերից հեռացավ և հոգևորական դարձավ: Նրան հաջորդեց իր եղբայր Լևոնը: Սա շատ ընդարձակեց իր երկիրը՝ Անթալիայից մինչև Անթալիա և Վարկելիե: [Լևոնը] այդ երկրների մի մասը նվաճեց, մի մասն էլ դնեց հույներից և ֆրանսիացիներից: Կառուցեց բազմաթիվ եկեղեցիներ ու վանքեր: Հունական կայսրը նրան լիազորակեց և Կիպրոսի թագավորի քրոջը նրան կնության տվեց: Մեռավ 24 տարի իշխելուց հետո և նրան հաջորդեց իր ազգական Ֆիլիպպը [Փիլիպպոսը], որի իշխանությունը տևեց երեք տարի: Հետո պետության ավագանիները նրան սպանեցին և նրա փոխարեն նշանակեցին նրա ազգական Հեթում անունով մեկին: Սա նվաճեց Կահի և Մարաշ քաղաքները, շինել տվեց մի եկեղեցի՝ Այա Սոֆիային²³ պատկերով [նմանությամբ]: Երբ [Հեթումը] նրան հպատակություն ցույց տվեց և ներման հրովարտակ ստացավ... նորից իսլամների վրա հարձակվեց և բռնություն ցույց տվեց: Սխուժ պատերազմ տեղի ունեցավ. [Հեթումը] պարտվեց: Նրա մի որդին ըստյանվեց, իսկ մյուսը գերի ընկավ և Եգիպտոս ուղարկվեց: Իսկ երբ հաշտություն կնքվեց, ազատ արձակվեց: Երբ [Հեթումի] որդին եկավ հոր հետ տեսնվելու, նա թագավորությունն հանձնեց իր որդուն և ինքը մի եկեղեցում հոգևորական դարձավ: Իշխանությունը տևել է 44 տարի: Նրան հաջորդեց իր վերոհիշյալ որդի Լևոնը: Սա էլ, իր հոր նման, լավ հարաբերություն պահպանեց թաթարական մելիքների հետ և իր երկիրն ապահովեց նրանց շարագործություններից: Եվ որովհետև Լևոնը մեծ սեր ուներ դեպի գիտությունն ու չիտնականները, նա իր ժամանակի մեծ մասն անց էր կացնում նրանց հետ տեսակցելով և զրուցելով: Հավաքել է բազմաթիվ գրքեր: Մեռավ 18 տարի իշխելուց հետո և նրան հաջորդեց իր որդի Հեթումը: Սա ենթարկվում էր թաթարական իշխաններին. մի շարք գովներ մղեց Եգիպտոսի և Շամի իշխողների դեմ: Իսլամների նկատմամբ խստություն ցույց տվեց: Վեց տարի իշխելուց հետո հոգևորական դարձավ և նրա փոխարեն նշանակվեց իր եղբայր Մսիատը [Սմբատը], որը նրան սպանեց և իշխանությունը խլեց: Սակայն երեք տարի հետո սա բանտարկվեց, և նրան փոխարինեց իր եղբայր Կոստանդինը: Սա էլ մի տարի հետո բանտարկվեց և նրան հաջորդեց իր եղբորորդի Լևոնը: Երեք տարի հետո թաթարական բեյերից մեկը՝ Արգոնը, նրան սպանեց և փոխարենը նշանակեց նրա որդուն՝ Օշինին: Օշինը մարդ ուղարկեց թաթարական փաղիշահին և գանգատվեց իր հոր սպանության համար: [Թաթարական] փաղիշահը մարդիկ ուղարկեց հիշյալ Արգոնին սպանելու համար: Օշինը 13 տարի իշխանությունը վարելուց հետո մեռավ և

նրան հաջորդեց իր որդի Լևոնը: Սա փոքր էր: 23 տարի իշխելուց հետո, էմիր Չորանի որդի Թեմուր Դաշը 30 հազարի չափ զինվորներով հարձակվեց Լևոնի վրա: Բայց հետո հաշտության կնքեց և Թեմուր Դաշը վերադարձավ իր երկիրը: Այնուհետև, եգիպտական բանակը եկավ և պաշարեց Այաս բերդը, սակայն չկարողացավ գրավել: Երկրորդ անգամ առաջինից ավելի մեծ բանակով հարձակվելով, 722 թվականին, [եգիպտացիները] գրավեցին բերդը: Այս պատերազմում Լևոնը սպանվեց և նրանով էլ վերջացավ [Խուբինյան] տոհմը:

Հավելված. Չորրորդ տոհմի ճյուղի²⁴ մասին է:

Այս վերջին՝ չորրորդ տոհմից, սկզբում իշխանությունը վարեց Լևոնի ազգականներից մեկը՝ Կոստանդին անունով անձը, որի իշխանությունը տևեց մոտ 7 տարի: Հետո Լևոնի ազգականներից՝ Կեվանը [Հովհաննեսը], հետո նրա եղբայր Կիտանը [Գլիդոնը], հետո ֆրանսիական տոհմից՝ երկու եղբայրներ: Սակայն Արմենի իշխանները նրանց չհպատակվեցին և սպանեցին: Նրանց հաջորդած Լևոն անունով անձը իշխեց միայն մեկ տարի: Հետո Եգիպտոսի թագավորը եկավ և հիշյալին [Լևոնին] իր կնոջ՝ Մարունի [Մարիամի] հետ միասին գերի տարավ. գրավեց ամբողջ Արմենի երկիրը, կործանեց եկեղեցիներն ու վանքերը և նրանց փոխարեն կառուցեց ջամիներ և մեսջիտներ²⁵: Լևոնին և կնոջը տարավ Եգիպտոս: Լևոնը բանտում մեռավ, կինն ազատվեց և Երուսաղեմում հոգևորական դարձավ: Այսպես, Արմենի երկիրն ամբողջությամբ ավերվեց և կործանվեց:

(Հատ. I, էջ 652—663)

* * *

Մյունեջլիմ Բաշին իր «Պատմության» 11 հատորի երրորդ մասում նույն ձևով տալիս է իսլամից հետո առաջացած պետությունների պատմությունը: Արաբական խալիֆայությունները, Պարսկաստանի, Միջագետքի իշխանությունները, Եգիպտոսի մելիթությունները թվարկելուց հետո, նա տալիս է հիջրեթի IV դարում իրաքում և Ադրբեջանում գոյություն ունեցած իշխանությունների համառոտ պատմությունը:

ԵՐՐՈՐԴ ՀԱՏՎԱԾ. Տարմի²⁶ և Ազեբբայջանի [Ադրբեջանի] իշխողների՝ «Մեսաֆիրի որդիների»²⁷ մասին: Սրանք կոչվում են նաև Սալարի որդիներ²⁸: Սկիզբ են առել 330 թվականին և կործանվել 420 թվականին: Նրանց տոհմը շարունակվել է հետևյալ կարգով. Սալար Մուհամմեդ բին-Մեսաֆեր, էլդիլմի Սալարի որդիները՝ Դեսուդան և Մարզբան, Դեսուդանի որդի Իսմայիլ, Իսմայիլի որդի երկրորդ Մարզբան, երկրորդ Մարզբանի որդի Իբրահիմ, առա-

չին Մարգբանի որդի Ջեսրան Իբրահիմ: Հայտնի պետք է լինի, որ
 Տարմը՝ Դելիմ երկրի սահմանում, Գազվինի նվիրական լեռներում
 մի մեծ գավառ³⁰ է, որի ջուրը և խոտը շատ առատ է և գտնվում է
 լեռների մեջ: Այս երկիրը երկար ժամանակ գտնվել է անկախ իշ-
 խանների ձեռքում, որոնք կոչվում էին Սելար, որը հավանաբար
 Սալար³⁰ բառի արաբական ձևն է: Ազրբեջանը մի ընդարձակ եր-
 կիր է. խառն է Արանի և Արմենիայի քաղաքների հետ: Նրա արե-
 վելյան կողմում են գտնվում Դելիմի քաղաքները և Ջեբլեյի քաղաք-
 ների մի մասը: Հարավային կողմից սահմանակից է Իրաքին և Ջե-
 զիրեի մի քանի քաղաքներին, արևմտյան կողմից՝ Արմենիայի
 քաղաքներին ու հունական մի քանի երկրներին, հյուսիսային կող-
 մից սահմանակից է Արանի քաղաքներին և վերջանում է հազերի
 [Կասպից] ծովեզերքում: Այս վիլայեթի մայրաքաղաքներից մեկը
 էրզեբիլ քաղաքն է, որը գտնվում է շորրորդ կլիմայում³¹: Երկարու-
 թյան 37 աստիճանի, լայնության 38 աստիճանի վրա այդ կլի-
 մայի ամենամեծ քաղաքը և ամրացված երկիրն է: Հավանաբար
 այս քաղաքը կառուցել է էրզեբիլ բին-Արգմին բին-Լեմբգի բին-
 Յուհան և նրա անունով էլ հայտնի է եղել: Թավրիզի և նրա [էրզե-
 բիլի] միջև եղած տարածությունը 25 փարսախ է: Մյուս մայրաքա-
 ղաքը Թեբրիզ [Թավրիզ] քաղաքն է, որը գտնվում է հինգերորդ կլի-
 մայում՝ երկարության 73 աստիճանի և լայնության 39 աստիճանի
 վրա: Սա կոչվում է նաև Թուրիզ: Երրորդը Շիրվանն է, որը գտնու-
 վում է հինգերորդ կլիմայում՝ երկարության 68 աստիճանի և լայ-
 նության 42 աստիճանի վրա: Ազրբեջան երկրում են գտնվում նաև
 հետևյալ քաղաքները. Խուսթեվ, Ջեզե, Սալմաս, Նախչևան, Բեր-
 դիժ, Խույիխ, Խոյ, էրմիյե [Ուրմիա], Մարաղա, Օջան, Միեանիջ,
 Մերենդ, Մուգան, Բերզենդ, Բարդա, Սուլթանիի, որը Չինգիզյան-
 ներից մեկը՝ էրզրում-օղլու Խուզաբենդեն, կառուցել և իր համար
 մայրաքաղաք էր դարձել: Թավրիզից արևելք՝ ութ կոնաք³² հեռու
 է: Այդ ցեղից վերոհիշյալ Սալար Ծուհամեդր հնուց ի վեր Դելի-
 մի սերասքերներից լինելով, նրա կողմից վալի [կուսակալ] նշա-
 նակվեց Տարմի սահմաններում: Հետո Մագանի պետության մեջ
 հեղաշրջում տեղի ունեցավ և նա, անկախություն ձեռք բերելով,
 որոշ ժամանակ իշխելուց հետո մեռավ և նրան հաջորդեց Սալար
 Մարգբանը: Սրան հաջորդեց Սալար Ջեստունը: Սա էլ որոշ ժամա-
 նակ իշխելուց հետո մեռավ և նրան հաջորդեց Սալար Դեսուդան:
 Սրան հաջորդեց Իսմայիլը, իսկ վերջինիս՝ Իբրահիմը: Սրա մեռնե-
 լուց հետո էլ հաջորդեց Մարգբանը: Վերևը հիշատակված թվակա-
 նին ամբողջովին կործանվեցին: Նրանք նման էին մի երկրի վրա

իշխող վալիի (կուսակալի)։ Երկրների ու սուլթանության տեր հայա-
նի մելիքներ չէին, այդ պատճառով նրանց մասին համառոտակի
խոսեցինք և մանրամասն կանգ չառանք։

ՉՈՐՐՈՐԴ ՀԱՏՎԱԾ. Արանի մելիքներ³³ Շեղադի-որդիներ³³
մասին է։ Սրանց տոհմը հետևյալ կարգով է. Մուհամմեդ բին-Շե-
ղադ, Մուհամմեդի որդիները՝ Մարգբան և Ֆազը, Լեշկերի Մարգ-
բանի որդի էբու-ռալ-Ֆեթհ Մուսա, Մուսայի որդի Լեշկերի, Լեշկերի
որդի Նուշիրվան, Ֆազլի որդի էբու-ռալ-Սեվար Շաբուր, Շաբուրի
որդիներ Ֆազլ, Շուբ և Ֆազլուն։ Սկիզբը 340 թվականին է։ Կոր-
ծանումը տեղի է ունեցել 468 թվականին։ Արան կոչված այս երկ-
րի արևմտյան կողմը Արմենիան է, արևելյան և հարավային կող-
մը՝ Ադրբեջանը, իսկ հյուսիսային կողմը՝ Կընըքի լեռները։ Մայ-
րաքաղաքներից մեկը Նախիջևանն է, որը գտնվում է հինգերորդ
կլիմայում՝ երկարության 73 աստիճանի և լայնության 43 աստի-
ճանի վրա։ Մյուս [մայրաքաղաքը] Դեմիր Կափու կոչված քաղաքն
է, որը գտնվում է երկարության 75 աստիճանի և լայնության 41
աստիճանի վրա։ Մյուս [մայրաքաղաքը] Գենջեն է, որը գտնվում
է երկարության 71 աստիճանի և լայնության 43 աստիճանի վրա։
Հինգերորդ կլիմայում է գտնվում։ Արանի երկրի նշանավոր քա-
ղաքներից մեկն էլ Թիֆլիսն է։ Շեմկորը [Շամխոր], Բելեգանը և
Սերիր Ալանը մեծ գավառներ են։ Լեկզ³⁴ կոչված ցեղն այս շրջա-
նում է ապրում։

Արմենիայի վիլայեթը մեծ է։ Նրա արևմտյան կողմը Արմեն
վիլայեթն է, արևելյան և հարավային կողմը՝ Արանի և Ադրբեջա-
նի սահմաններն ու Ջիզիրեի մի քանի քաղաքներն են։ Հյուսիսա-
յին կողմը նորից Արանի սահմաններն են։ Այս երկրի մեծ մասը
լեռնային լինելով, բաժանվում է երեք մասի։ Մի մասը՝ Գալիգա,
Շիմշադ և սրանց հարակից սահմաններն են, մյուս մասը՝ Հեզ-
րան և Բաբի Ալաև քաղաքներն ու դրանց միջև ընկած տարածու-
թյունը։ Երրորդ մասը՝ Բերդան, Բաբ էլ-էբվաբը և հարակից մա-
սերը։ Ուրիշներն այս [երկիրը] բաժանում են չորս մասի, որից մի
մասը Բելգան և Շիրվանն է և դրանց միջև ընկած տարածությունը։
Մի մասը Մեզրանն է, որ Թիֆլիս է կոչվում, և Ֆիրուզ Աբադի ու
Լեկեզի գավառները։ Հաջորդ մասը՝ Սիդխանն ու Նախիջևանն են,
իսկ մյուս մասը՝ Խըրդ Բիրթը, Ախլաթը, էրզրումը և նրանց հա-
րակից մասերը։ Այս գավառներից ամեն մեկում անկախ վալիներ
[կուսակալներ] են իշխում։

Արմենիայի կլիմայի³⁵ և Ռումի կլիմայի միջև ընդհանուր քա-
ղաքներն են՝ Կաստեմունին, Սինոպը և Սամսունը։ Արմենիայի սև-

ծովյան նավահանգիստը Տրապիզոնն է. Տրապիզոնի նշանավոր քաղաքները հետևյալներն են. Երզնկա, Մուշ, էրզին [էրզրում]։ Մե-
լազները [Մանազկերտ], Բիթլիս, Ախլաթ, Արճեշ, Ոստան, Շիրվան և
Դեբիլ, որը մայրաքաղաք է և գտնվում է շորրորդ կլիմայում՝ եր-
կարության 72 աստիճանի և լայնության 38 աստիճանի վրա։ Դվի-
նը շորրորդ կլիմայի վերջում է՝ երկարության 72 աստիճանի և
լայնության 39 աստիճանի վրա, Դանը՝ երկարության 68 աստի-
ճանի, լայնության 38 աստիճանի վրա։ Երբ 337 թվականն եղավ,
Ադրբեջանի իշխողը՝ Սալաթ Մուհամմեդը, գերի ընկավ, անվանի
և հպատակներ ունեցող նրա բոլոր բեյերը տարբեր կողմերում ան-
կախություն ձեռք բերեցին։ Վերոհիշյալ Մուհամմեդ բին Շեղադը
նույնպես ձեռնամուխ եղավ երկրներ գրավելու և թշնամուց պաշտ-
պանվելու։ Հետզհետե նվաճեց իր շրջակայքը և մինչև 344 թվա-
կանը իշխեց և ապա մեռավ։ Նրա իշխանության վերջին շրջանում
[երկրում] կարգը խանգարվեց և նրա ձեռքից դուրս եկավ։ Որոշ
ժամանակ հետո հրապարակ եկավ նրա որդին՝ Լեշկերի էբու-լ-Իսա-
սան Ալին, և 360 թվականին իր հոր տիրապետած երկրները թըշ-
նամուց ազատեց ու ինքը իշխանության գլուխ անցնելով՝ շրջա-
կայքը գրավեց, բանակը պատշաճ կերպով կարգի բերեց և վար-
չական կարիքները լրացրեց. ութ տարի իշխելուց հետո մեռավ, և
նրա տեղը թագավոր դարձավ իր եղբայր Մարզբանը։ Սակայն սա
պետական գործերում անկարող և անտարբեր լինելով, նրա իշխա-
նության շրջանը խռովությամբ անցավ։ Սրա և իր եղբայր Ֆազրի
միջև թշնամություն էր առաջացել. մի օր, որսի ժամանակ, Ֆազրը
հարմար առիթ գտնելով, սպանեց նրան և նրա փոխարեն պահ
բարձրացավ։ Այս դեպքը տեղի է ունեցել 375 թվականին։ Ինքը
լավ բարքի տեր լինելով, ժողովուրդը նրանից գոհ էր։ 418 թվա-
կանին Արազ գետի վրա մի մեծ կամուրջ շինել տվեց, որը նրա
լավագույն գործը եղավ։ 47 տարի իշխելուց հետո մեռավ և նրան
հաջորդեց իր որդի էբու-ուլ-Ֆեթհ Մուսան։ Երեք տարի հետո նրան
հաջորդեց իր որդի Լեշկերի բին-Մուսան։ Սա իշխեց 15 տարի և
նրան հաջորդեց իր որդի Նուշիրվանը։ Որոշ ժամանակ իշխելուց
հետո, նրան հաջորդեց էբու-ուլ-Սեվար Շաբուտ-բին Ֆազրը։ Սա
լավ կառավարեց իր երկիրը և որոշ ժամանակ անց երկրում տիրող
անկարգությունները վերացրեց, վերանորոգեց քաղաքները և բա-
նակը կարգի բերեց։ 457 թվականին, Սելջուկների սուլթան Ալփ
Արսլանը Արմենի և Ռումի երկրներում սրբազան պատերազմ հայ-
տարարեց և քաֆիրների [անհավատների] ձեռքից ազատած երկր-
ները միացրեց էբու-ուլ-Սեվարի երկրներին և այդ երկրները Վի-

րեց ու շնորհեց նրանց: 459 թվականին Էբու-ուլ-Սեվարը մեռավ և նրան հաջորդեց Ֆազլ բին-Շավերը, որի ժամանակ, երբ սուլթան Ալփ Արսլանը Արանի երկրի վրա եկավ, Ֆազլը նրան դիմավորեց և հպատակություն հայտնեց, որով և արժանացավ նրա նվերներին: ու պատիվներին: 466 թվականին նրա որդի Ֆազլուն ապստամբվեց և նրա երկիրը ձեռքից խլեց, բայց երկու տարի շարունակ չկարողացավ երկրում կարգ հաստատել: Ալփ Արսլանը հարձակումներ գործեց Արանի երկրի վրա և այդ տոհմը կործանվեց:

(հատ. II, էջ 500—508),